

ministrari Sacra Eucharistia fidelibus aliqua hora ante auroram, et post meridiem?

Ad 37. *In casu de quo agitur, Affirmative á tempore ad tempus, quo in illa Ecclesia Missae celebrantur, vel ad formam Rubricae, vel ad formam Indulti eidem Ecclesiae concessi.*

123. An in officio defunctorum dici debeat ante lectionem *Parce mihi &c.: á porta inferi erue Domine animas eorum*, cum pro uno tantum dicitur?

Ad 41. *Nihil immutandum.*

124. An Sacerdos in Missa de Requiem ponere debeat manum sinistram super Altare, dum facit dextera signum Crucis ad Introitum?

Ad 42. *Affirmative.*

125. An pro defuncto sepeliendo ad Vesperam ob aliquam rationabilem causam dici possit aliqua hora matutina Missa de requiem, iisdem diebus, quibus locum habet, corpore praesente?

Ad 43. *Si cadaver sit insepultum, licet non praesens, detur Decretum in Florentina 25 Aprilis 1781. (V. n° 53.) Si vero terrae traditum, celebrari poterit una Missa cantata, ut in die obitus, dummodo non sit dup, 1. vel 2. clas. aut festivum de praeepto.*

126. Cum Missa de requiem, etiam praesente cadavere, locum non habeat in diebus solemnioribus primae classis juxta Decretum 29. mensis Januarii 1752., quaeritur: An Festa S. Joannis Baptistae, SS. Apostolorum Petri, et Pauli, Titularis, Patroni principalis populorum, insimulque Festum Omnium Sanctorum excludant Missam de requiem?

Ad 44. *Affirmative. Et ita decrevit S. C. R. Die 7 Septembris 1816.*

127. Utrum Pluviale pro canendo Martyrologio in Vigilia Nativitatis Domini debeat esse coloris albi, vel potius violacei?

Ad 8. *Negative ad primam partem; Affirmative ad secundam, hoc est, adhibendum Pluviale coloris violacei. Ita decrevit S. C. R. Die 22 Martii 1817.*

128. An, celebrante Canonico Cathedralis, Diaconus itidem Canonicus porrigendo Cochlear, Patenam, Calicem, teneatur osculari manum celebrantis, vel potius, quia est Canonicus, oscula hujusmodi sint omitenda?

Ad 5. *Affirmative ad primam partem; Negative ad secundam, et detur Decretum in una Urbis 22 Aprilis 1690. (V. n° 235.)*

129. An omnes Capitulares teneantur o-

bedire Caeremoniarum Magistro ab Episcopo electo in his, quae Divinum Cultum respiciunt, vel potius considerari debeat tanquam Capitularium Famulus?

Ad II. *Capitulares omnes teneri obedire Caeremoniarum Magistro in iis, quae Divinum Cultum respiciunt, eundemque in sui muneris exercitio esse capitularium Directorem, non Famulum.*

130. An Canonici Cathedralis in administratione Sacramentorum tam intra, quam extra Cathedralem Ecclesiam teneantur deponere Cappam atque uti superpelliceo, et stola, juxta Rituale Romanum?

*Affirmative.*

131. In quadam Cathedrali tempore divini officii exponitur lignum S. Crucis tam in festo inventionis, quam in altero exaltationis; in priori festo canonicus celebrans cum illo benedictionem populo impertit antequam reponatur. In secundo verò, beneficiato celebrante, sine ulla benedictione transfertur ad sacristiam. An haec distinctio attendenda est, vel potius populus benedicendus etiam in festo exaltationis. S. R. C. *Negative quoad primam partem; Affirmative quoad secundam. Et ita declaravit. Die 31 Maji 1817.*

132. Si omnes Dominicae usque ad Ad-

ventum fuerint impeditae; omittendum ne erit eo anno Festum Dolorum; an potius transferendum juxta Rubricas in primam diem non impeditam post Dominicam tertiam Septembris?

Ad 3. *Negative ad primam partem; Affirmative ad secundam. Ita decrevit S. C. R. Die 19 Augusti 1817.*

133. Utrum publicae venerationi exponi, ac processionaliter deferri possint Sanctorum Reliquiae, de quarum identitate, et authenticitate, certo non constat? An de ipsis Officium recitari valeat in Ecclesia, in qua asservantur?

Ad 8. *In casu, de quo agitur, Negative ad utramque partem. Et ita declaravit S. C. R. Die 27 Septembris 1817.*

134. Per generale Decretum die 30 Decembris 1783. editum, et à fel. rec. Pio PP. VI. confirmatum die 7 Januarii 1784. declaratum fuit—in celebratione Nuptiarum, quae fit extra Dominicam, vel alium diem festum de praecepto, seu in quo occurrat Dup. 1. vel 2. class., etiamsi fiat Officium, et Missa de Festo dup. per annum sive maj. sive min., dicendam esse Missam pro Sponso, et Sponsa in fine Missalis, post alias Missas Votivas specialiter assignatam: in diebus vero Dominicis, aliisque Festis de

praecepto, ac dup. 1. vel 2. class., dicendam esse Missam de Festo cum commemoratione Missae pro Sponso, et Sponsa—Veruntamen, cum interea nonnulla excitata fuerint dubia circa rubricam in hac celebranda Missa servandam, et Parochorum sensus sit varius, quippe quia aliqui eidem Missae Hymnum Angelicum adjicendum censent, cum *V. Ite, Missa est* in fine, alii vero etiam Symbolum Nicenum legendum putant, ea freti ratione quod haec Missa ceu solemnior, et pro re gravi haberi debeat: ideo ad amputandas controversias, et dubitationes, utque ab omnibus unus, idemque conveniens ritus servetur: Sac. Rit. Congregatio, me subscripto Secretario referente, remature discussa, declaravit, atque decrevit, quod firma remanente dispositioni praefati Decreti quoad designationem dierum in quibus Missa Votiva pro Sponso, et Sponsa celebrari potest, eandem esse votivam privatam, proindeque semper legendam sine Hymno Angelico, et Symbolo Niceno, cum tribus Orationibus, prima videlicet ejusd. Missae votivae propria, ut habetur in fine Missal., 2. et 3. diei currentis, ut in Rubric. Tit. VII, num. 3. de Commemorat., *Benedicamus Domino* in fine, et *ultimo Evangel. S. Joannis. Et ita decrevit. Die 28 Februa-*

rii 1818.

135. Cum jam declaratum sit à S. C. R. Responsorium *haec est vera fraternitas*, locum habere solum in martyribus fratribus *secundum carnem, non vero secundum institutum ordinis regularis* (V n° 248) quaeritur, an praefatum responsum dici debeat in martyribus nostri ordinis (Minorum S. Francisci) extante rubrica peculiari nostri Breviarii? S. R. C. respondit die 22 Aug 1818. *affirmative juxta peculiarem rubricam* N. 196.

136. In antiphona ad Magnificat in primis Vesp. et in respons. VII (in officio patrocinii B. M. V. ubi dicitur: *Tuam sanctam festivitatem*, legendum esse *tuum sanctum patrocinium* decrevit S. C. R. Die 22 Augusti 1818.

137. An licitum sit in Confiteor ad Primam, Completorium, et Missam, et in Orationibus, ubi Sanctus Pater Franciscus nominatur, addere nomen „*Patris nostri*„ cum hoc expresse legatur in Rubrica peculiari nostri Breviarii?

Ad 2. *Affirmative juxta praefati Breviarii Rubric. num. 158.*

138. Cum juxta Constitutiones nostri Ordinis quatuor fieri debeant quotannis Anniversaria pro universis fratribus, propinquis, benefactoribus, et Patribus, et Ma-

tribus Fratrum omnium, quaeritur: An haec Anniversaria celebrari possint in Festo duplici minori: et, an omitti possint Psalmi „Lauda anima mea Dominum,, et „De profundis,, in Officio generalissimo defunctorum nostri Ordinis, extante consuetudine, sicut in die Commemorationis defunctorum; et an Versiculi Nocturnorum dici possint in singulari, quando pro uno sit Officium Defunctorum?

Ad 3. *Quatuor Anniversaria, de quibus in dubio celebranda non esse in occursum cujuscumque duplicis, etiam rit. dup. min.: illud, quod generalissimum dicitur celebrari posse, quamvis fiat Offic. dup. min., juxta peculiare Rubricas laudati Breviarii num. 214. 219., et 222.: praeterea in ejusdem generalissimi Anniversarii Officio servandam esse aliam peculiarem Rubricam de omittendis Psalmis Lauda anima mea Dominum, ac De Profundis. Tandem quoad versiculos dum Officium fit pro uno defuncto, servandam esse Rubricam, quae habetur ad calcem Officii defunctorum in dicto Breviario trium Ordinum.*

139. An in Festo Patrocinii B. M. V. cum transfertur ad Adventum, Officium sumi debeat ex dicto tempore, vel potius de Festo B. M. V. ad Nives? Et cum in ali-

quibus Breviarii in Antiphona ad Magnificat, et Responsorium VIII legatur,, Tuum Sanctum Patrocinium, et in aliis,, Tuum Sanctam Festivitatem,, quaeritur, quanam ex his duabus Lectionibus amplecti debeat?

Ad 6. *Nihil immutandum praeter IX. Antiphon. subrogatur Angelus Domini &c. et V. Gradualis in Missa. In Antiphona, et Responsorio legendum=Tuum Sanctum Patrocinium.*

140. An cum recitatur Matutinum pro Feria II. in Dominica praecedenti ante solis occasum, genuflecti debeat ad Antiphonam finalem B. M. V.

Ad 8. *Negative, et standum esse, dum Matutinum recitatur ante Solis occasum.*

141. An Sacerdos genuflectere debeat utroque genu in Missis privatis ad verba, *Et Incarnatus est?*

Ad 10. *Genuflectendum esse unico genu. Et ita decrevit. S. R. C. Die 22 Augusti 1818.*

142. An, translato Festo Patroni principalis in diem Dominicum, transferri debeat simul in Sabbatum dictae Dominicae praecedentem Officium, et Missa de Vigilia?

Ad 3. *Affirmative quoad jejunium, et abstinentiam, ac etiam quoad Officium Vigiliae, quatenus Festa sint illis, quae gau-*

*dent Vigilia quoad Chorum.*

143. An simul cum Festo Patroni principalis in Diem Dominicum translato, transferantur simul omnes solemnitates, concessiones, privilegia, indulta, Indulgentiae, prohibitiones Missarum in Oratoriis privatis &c. eidem Festo adnexae?

Ad 5. *Affirmative, quia Dominica, in qua Festum erit perpetuo fixum, perinde habenda est, ac si esset dies propria.*

144. An illa Festa, quae ab Ordinariis locorum assignata fuerant (aliis diebus) tanquam propriis, ratione occurrence cum Festo Patroni principalis, sublato nunc hoc perpetuo impedimento, quia Festa Patronorum principalium habent saltem rationem Festorum Mobilium, possint, et debeant illa praedicta Festa olim amota à propriis sedibus, celebrari, vel retrogradi suis diebus, quibus assignata fuerunt ab initio in Calendario Romano?

Ad 8. *Affirmative, nisi ex hoc sequatur non levis perturbatio, et confusio in ordinando Calendario.*

145. An, et quando Festum Patroni principalis transfertur in diem Dominicum, debeat in Feria 6. dictae Dominicae praecedente annuntiari in Martyrologio Vigilia, si adsit, et in Sabbato annuntiari Festum

Patroni, quod celebratur die Dominica, et in Sabbato sequenti annuntiari Octava?

Ad 9. *Affirmative in Sabbato praecedenti quoad Festum: Affirmative etiam quoad Vigiliam in Feria VI., si adjunctum habeat Officium: secus Negative.*

146. Canonicus Paschasius Melchiori vices agens archipresbyteri proponit S. R. C. inter alia dubium sequens, scilicet.

An parochi, in festis per indultum apostolicum 10 Aprilis 1818 suppressis quoad obligationem strictam audiendi missam, debeant nunc, ut aate eorum abrogationem applicare sacrificium pro populo, et 2<sup>o</sup> etiam cantare missam conventualem sive parochialem. Resp. affirmative ad utramque partem quia satis declaratum est in praefato Brevis apostolico, nihil esse innovandum, quoad chorum relative ad festa in quorum occurso sublatum est praeceptum audiendi sacrum: quoad verò festa patronorum, cum ista reponenda sint in dominicum diem infra octavam, tanquam in diem propriam simul cum officio et missa, transferenda etiam est solemnitas, tum quoad forum, quam quoad chorum. *Ita decrevit. Die 18 Octobris 1818.*

147. An Regulares utriusque sexus te-

neantur, vel possint recitare Officium Dedicationis in Calendario Dioecetano assignatum de illis Cathedralibus, quae certo non sunt consecratae, vel de earum consecratione prudenter dubitatur?

Ad I. *Si Officium Dedicationis Ecclesiarum Cathedralium in Calendario propriae Dioecesis est assignatum, illudque ab Episcopis, et Cleris Beticae Provinciae persolvitur, ad illius recitationem omnes etiam tenentur Regulares utriusque sexus, quibus permissum non est de illarum Consecratione dubia excitare.* (V. n° 43.)

Patriarchalis Ecclesia, in qua Corpus S. Francisci Conf. Assisii requiescit, ex Indulto Apostolico Sacratissimi Principis Pii VII. Pont. Max. privilegio gaudet Missae votivae quotidianae de eodem Sancto; exceptis dumtaxat Solemnitatibus Natalis D. N. J. C., et Paschatis Resurrectionis, et Pentecostes. Porro ex hac concessione sequentia excitata sunt Dubia, quae in supplici Libello S. R. C. resolvenda proposita fuerunt.

148. An diebus Dominicis in praefata Missa votiva Symbolum dici debeat?

Ad I. *Juxta alias resoluta Negative.*

149. An in duplicibus primae, et secundae classis recitanda sit Collecta à Majoribus

imperata?

Ad 2. *Negative in duplicibus primae classis, ut alias responsum fuit. Quoad duplicia vero secundae classis poterit ad libitum Celebrantis legi, vel omitti Collecta imperata in Missis privatis tantum; in Conventuali, et solemnibus omittenda.* (V. n° 109)

150. An in praedicta Missa votiva S. Francisci, Oratio=A cunctis=quando dicenda est, permutari debeat in aliam B. M. V.=Concede=prout in Missa votiva Sanctorum Apostolorum Petri, et Pauli volunt aliqui Rubricistae?

Ad 3. *Vel omittendum nomen S. Francisci in Oratione=A cunctis=aut legendam Orationem ad poscenda suffragia, quae incipit=Concede.*

151. In tertia Dominica cujuslibet Mensis, ex antiqua consuetudine in solemnibus Missa duae consecrantur Hostiae, quarum una in usum Sacrificii, altera pro publica veneratione in Ostensorio collocatur; confectaque celebratione processionaliter per Ecclesiam gestatur. Cum vero tempore Quadragesimae, et Adventus supplicatio per Ecclesiam omittatur, ex eo quod praefato tempore scamnis referta ipsa reperiatur, pro commoditate populi ad audendum verbum Dei accurrentis, dubium propositum est: An,

omissa in cassu, supplicatione, commemoratio Sanctissimi Sacramenti in Missa Solemni debeat omitti?

Ad 2. *Commemorationem SSmi. Sacramenti in praefata Missa solemniter faciendam esse, licet accidentaliter omittatur Processio.*

152. Demissa nimis facies Arae maxime Cathedralis Ecclesiae Senogalienen., in altiore formam reducta nuper cum fuerit, superiorem lapidem Altaris ejusdem mensam efformantem à suo stipite amovere necessario oportuit; constat autem Altare illud ad modum *facti* fuisse consecratum cum sigillis, atque unctionibus mensam inter, et stipitem; in diversa Canonicorum studia quoad necessitatem illud iterum consecrandi. Eapropter à S. R. C. petitum responderi—Utrum, amota mensa ab Altari ad modum fixi, et non portatilis consecrati, necessario nova indigeat consecratione?

*In Casu, de quo agitur Altare de novo consecrandum esse.*

153. Quamvis S. R. C. sub die 15 Martii 1664. reprobaverit morem, qui forte alicubi obtinuerat conficiendi *Amictus, Albas, Tobaleas Altarium, nec non Corporalia, et Pallas ex tela quadam composita ex lino, et gossipio subtilissimo*; nihilominus novis-

simis temporibus adeo invaluit abusus, ut, constanti Ecclesiae disciplina posthabita, nonnullis in Ecclesiis non alia adhibeantur suppellectilia, vel ad sacrificandum, vel ad Altarium usum, nisi ex simplici gossipio confecta. Ad hanc corruptelam, quam bene multi consuetudinis nomine cohonestare nituntur, radicitus evellendam, studia converterunt Eminentissimi, et Reverendissimi Domini Cardinalis Sacris tuendis Ritibus praepositi: solliciti idcirco, ut quod usque ab Ecclesiae primordiis quoad sacra indumenta, et suppellectilia ob reales, et mysticas significationes, inductum est, retineatur, restituatur et in posterum omnino servetur; declararunt, et decreverunt ab antiquo more sub quolibet praetextu colore, ac titulo non esse recedendum; et eadem sacra Indumenta, ac suppellectilia conficienda esse ex Lino, aut Cannabe, non autem ex alia quacumque materia, etsi munditie, candore, ac tenacitate Linum, aut Cannabem aemulante, et aequante: Aliqua tamen indulgentia utentes, permiserunt, ut Amictus, Albae, Tobalae, Mappulae, si quae ex gossipio habentur, adhiberi interea possint, usque dum consumantur: Sed cum hujusmodi Suppellectilia renovanda erunt, ne ex alia materia fiant

nisi ex Lino, vel Cannabe, praeceperunt. Districte vero jusserunt, ut Corporalia, Pallae, ac Purificatoria, post lapsum unius Mensis á praesentis Decreti publicatione, Linea omnino sint, vel ex Cannabe, interdicto, et vetito aliorum usu, quae ex gossipio supererunt. Et ita decreverunt, ac ubique locorum, si SSmo. Domino Nostro placuerit, servari mandarunt. *Die 15 Maii 1819.*

Facta autem per me Secretarium SSmo. Domino Nostro relatione, Sanctitas Sua Decretum S. C. approbavit, confirmavit, typisque editum publicari praecepti, ac praeterea jussit, ut locorum Ordinarii ejusdem observantiae sedulo incumbant. *Die 18. ejusdem Mensis et Anni.*

154. An Oratio Exaltationis Sanctae Crucis concludi debeat *per eundem Dominum Nostrum*, eo quia diversimode legatur? Ac etiam; An occurrente commemoratione Octavae omnium Sanctorum, et B. M. V. de Paradiso, debeat poni prius de B. M. V., vel posterius?

Ad 5. *Ad primam Dubii partem, nihil immutandum, et retinendam esse conclusionem: per eundem &c. Ad secundam: In aequalitate ritus praecedere debere commemorationem B. M. V., quod si hujus Festum, quamvis gaudeat octavae, sit tamen secun-*

*dae classis, praefendam esse Commemorationem Omnium Sanctorum, cujus Festum est primae Classis.*

*Ita servari mandavit. S. C. R. Die 11 Martii 1820.*

155. Canonicus Poenitentiarius Cathedralis Calceaten. in Hispania Joseph Tiburtius Calleja Emis. PP. sacris tuendis Ritibus Praepositis dubium quoddam hisce conceptum verbis definiendum, atque enodandum subjecit.

Parochus in casu necessitatis periclitantem puerum stola violacea indutus domi baptizavit, eique Sacrum Chrisma, et Oleum Sacrum, quod secum detulit, imposuit, prout in Rituali Romano. Quaeritur an bene, vel male se gesserit in casu unctionis extra Ecclesiam?

Et S. R. C., exquisita prius, habitaque sententia alterius ex Apostolicarum Caeremoniarum Magistris scripto pandita, typisque vulgata, ad relationem Emi., ac Rmi. D. Card. Julii Mariae de Somalia Episcopi Ostien. et Veliternen., Sacri Collegii Decani, ac S. R. C. Praefecti, respondendum censuit.—*Juxta votum, nimirum, Parochum male se gessisse, baptizando cum stola violacea, et linendo puerum periclitatem ex-*



*tra Ecclesiam Oleo etiam cathecumenorum. In casu enim necessitatis, juxta Ritualis praescriptum, omnia sunt omittenda, quae Baptismum praecedunt, quaeque postmodum supplenda sunt in Ecclesia, ad quam praesentandus est puer cum convalescit.*

156. A quo sit porrigendum Aspersionum Episcopo in quamcumque Ecclesiam Civitatis, vel Dioecesis ingredienti, an à Rectore illius Ecclesiae, vel ab uno ex duobus Canonicis Cathedralis, qui cappa induti Episcopum comitantur?

*Aspersionum porrigendum esse a Rectore Ecclesiae, ad quam Episcopus aecedit.*

*Atque ita respondit. S. R. C. Die 23 Septembris 1820. (V. n° 227.)*

157. An in Ecclesiis Regularium, aliisque Ecclesiis exemptis recitandae sint Collectae ab Ordinario loci praescriptae?

Ad 1. *Affirmative*

158. An liceat Clero earumdem Ecclesiarum ab iis recitandis cessare pro lubitu, antequam Ordinarius id jusserit?

Ad 2. *Negative.*

159. An, jubente Ordinario, ut quibusdam Solemnitatibus, vel in alio peculiari casu sonus Aeris Campani omnium Ecclesiarum edatur, praefatae Ecclesiae quantum-

vis exemptae ejus mandato parere teneantur?

Ad 3. *Affirmative.*

160. An praeter consuetas, usuque receptas SANCTISSIMI SACRAMENTI expositiones, extraordinariae quoque in Ecclesiis exemptis fieri possint absque licentia Ordinarii?

Ad 4. *Negative, et serventur Decreta hac supra re pluries edita.*

161. An liceat in expositione SANCTISSIMI SACRAMENTI lumen aliquod eo artificio collocare à parte postica Sphaerae, ut recta illuceat in ipsam Sacratissimam Hostiam, quae exinde lucida appareat?

Ad 5. *Negative, et servetur Instructio jussu S. M. Clementis PP. XI. evulgata die 21. Januarii 1705. pro expositione SANCTISSIMI SACRAMENTI, occasione Orationis quadraginta horarum §. VI. (§)*

---

(§) *El Sr. Pio VII por Rescripto dado en 12 de Mayo de 1817, declaró privilegiados todos los Altares de aquella Iglesia donde se hace la esposicion de las 40 horas, mientras dure espuesto el SS. Sacramento.*

162. An toleranda, vel eliminanda sit consuetudo, quae in dies invalescit, superimponendi Sanctorum Reliquias, pictasque Imagines Tabernaculo, in quo AUGUSTISSIMUM SACRAMENTUM asservatur, ita ut idem Tabernaculum pro basi inserviat?

Ad 6. *Assertam consuetudinem tamquam abusum eliminandam omnino esse.*

163. An permitti possit, ut ante praefatas Imagines in medio Altaris positas apponantur lumina ex oleo, quae immineant Mensae, et ardeant etiam tempore Sacrosancti Missae Sacrificii?

Ad 7. *Negative in omnibus, nec lumina, nisi cerea, vel supra Mensam Altaris, vel eidem quomodocumque imminetia adhibeantur. Atque ita respondit S. R. C. Die 3. Aprilis 1821.*

164. An toleranda sit consuetudo vigens in quibusdam Paroeciis, praesertim in Ruralibus celebrandi per Parochum Missam lectam Feria V. in Coena Domini, quin peragi valeant eadem Feria, et sequenti caeterae Ecclesiasticae functiones praescriptae ob Clericorum defectu, vel potius abolenda?

Ad 1. *Affirmative, et ad mentem: mens est, ut locorum Ordinarii quoad Paroecias, in quibus haberi possunt tres, quatuorve saltem Clerici, Sacras Functiones Feriis V., et*

*VI. ac Sabbatho majoris hebdomadae peragi studeant, servata forma parvi Ritualis S. M. Benedicti XIII. anno 1725. jussu editi: Quoad alias Paroecias, quae Cleris destituuntur, indulgere valeant ob populi commoditatem, ut Parochi (petita quotannis venia) Feria V. in Coena Domini Missam lectam celebrare possint, priusquam in Cathedrali, vel Matrice Conventualis incipiat.*

165. An in Sabbatho Sancto Missa ab Episcopo privatim celebranda in domestico Sacello rationi Ordinationis, vel aliis Sacerdotibus (si qui sunt) qui hujusmodi privilegio gaudeant, inchoanda sit à Kyrie, vel à Prophetiis?

Ad 2. *Quoad Episcopos ratione Ordinationis servetur praescriptum Pontificalis, et Decretum S. C. die 21 Martii 1744. et Missa incipiatur à prophetiis. Quoad alios si qui privilegio gaudent, more solito, sed sine Introitu, post Campanarum sonitum.*

166. An ad eliminandos abusos, si qui irreperint, sit consulendum Sanctissimo pro revocatione cujuscumque Indulti celebrandi privatim eandem Missam, firmo tamen remanente singulari privilegio aliquibus Ecclesiis, peculiaribus attentis circumstantiis, concesso unam, vel alteram Missam lectam

celebrandi post unicam solemnem de die?

Ad 3. *Affirmative juxta votum* (videlicet = *Consulendum SSmo. pro revocatione cujuscumque Indulti celebrandi privatim in Sabbatho Sancto, firmo tamen singulari privilegio aliquibus Ecclesiis peculiaribus attentis circumstantiis, concesso, unam vel alteram Missam lectam celebrandi post unicam solemnem de die, prout in dubio*)

167. An in Ordinatione Generali, quae fit Sabbatho Sancto; facienda sit monitio promovendis ad Subdiaconatum ante Litanias, vel postea?

Ad 4. *Servetur Pontificalis hujus diei rubrica.*

168. Quid in Ordinatione privata in eodem Sabbatho Sancto, praesertim si unus tantum Ordo Subdiaconatus sit conferendus?

Ad 5. *Ut ad proximum.*

169. Quomodo intelligenda sint verba Pontificalis Romani in Rubrica de Ordinatione Presbyteri quoad manuum impositionem = idemque faciunt post eum (nempe Episcopum) omnes Sacerdotes, qui adsunt?

Ad 6. *Juxta votum: ea verba Pontificalis Romani in Ordinatione Presbyteri = Idem faciunt post eum omnes Sacerdotes, qui adsunt = intelligi posse, moraliter, juxta tamen locorum consuetudinem, servata ru-*

*brica quoad Paramenta, et Stolas.*

*Atque ita respondit, et servari mandavit, S. R. C. Die 28 Julii 1821.*

170. An tempore Adventus Missa Conventualis de Sancto occurrente sub ritu dup. vel semidup. post Nonam semper sit celebranda?

Ad 1. *Negative, et Missam de Sancto sub ritu dup. vel semidup. in Feriis Adventus occurrente, semper celebrandam esse post Tertiam, juxta Rubricas.*

171. An in Dominicis Adventus, et Quadragesimae omittenda sit Collecta à Superioribus imperata?

Ad 2. *Negative, exceptis Dominica Palmarum, et Dominica IV. Adventus in hujus occursu cum vigilia Nativitatis D. N. J. C. in quibus omittenda est collecta imperata.*

*Et ita S. R. C. respondit, statuit, et ubique servari mandavit. Die 20 Aprilis 1822.*

172. An Missa pro sponsa et sponso dici possit diebus duplicia excludentibus, ut supra notatis?

Ad 5. *Negative quoad Octavam Epiphaniae, Vigiliam Pentecostes, et Octavam privilegiatam SSmi. Corporis Christi, quatenus privilegium concessum sit ad instar Octavae Epiphaniae. (V. n° 57.)*